

JOHN PIŊAYUAK TUYUUTIŊISA

Iiitchuqutit

John piŋayuŋi tuyuutiŋisa umialiŋnam aglaŋi aŋaayuyiviŋmun aullarrauruamun Gaius-mik atiqaquamun. Tuyuqtuam nangaŋaa Gaius ikayuiŋiŋagun allanun ukpiqtuanun, suli qaunaklaaquvlugich aŋunmik atiqaquamik Diotrephes-mik.

Avgutit

Sivulliqsaagun	1-4
Gaius nangaqtauruq.....	5-8
Diotrephes suksraungiqsauruq	9-10
Demetrius nangaqtauruq	11-12
Agiusaun	13-15

¹John umialiŋnauruuq tuyuqtuq ukuniŋa avilaitqatipiamnun Gaius-mun, pi viuttaŋipiagatakamnun.^a ²Piuttaŋiraauruatiin, aŋaayutigigiga sunapayaaq piŋluataquvlugu ilipkun nanjirutaitquyumavlutillu, ilisimavluŋa nalaunŋatilaagŋik ilitqusiŋi sivuŋaani God-im. ³Quviasukpaŋaruŋa iŋaŋich aniqatiit tikitchuat quliaqtaugutimmanŋa qanutun ukpiŋnaqtilaagŋik ukpiŋikapku God-im iŋmun ittuana, suli iŋuunivlutin tuvraqŋugu ilaan iŋmun ittuana.^b ⁴Kamanatŋaaqtuamik quviasuutiŋaŋumiŋaitchuŋa uumaŋŋa, tusaakapkich miŋiŋitkutka iŋuunivlugich tuvraqŋugu iŋmun ittuana.

Gaius Nangausiaqatuq

⁵Piuttaŋiraauruatiin, piŋluataqtutin savaurrikavich qanusipayaamik aniqatiinun, iglaakkaluanun-unnii. ⁶Quliaqtaugilluataŋagaat savaan piviuttaqsrivlutin aŋaayuyiliqiruanun maani. Piŋluataŋniaqtutin ikayuqsimaagupkich iglaaguniŋanni ikayuŋlugich iviŋaumaŋaqtuatigun God-mun. ⁷Qanuq iglaunaruŋat savautivlugi Christ aitchuusiaqagaluaŋnatiŋ qanusipayaamik ikayuusiaamik ukpiŋaitchuanii. ⁸Taamna pisigilugu uvagut ukpiqtuaguruaguut ikayugaksraŋigaluaŋivut tainnatchit iŋuich, uvagut savaqatausugluta siaminniŋani God-im iŋmun ittuana.

Diotrephes Demetrius-lu

⁹Tuyunaruŋa naitchuanik tuyuutiniŋ aŋaayuyiliqiruanun, aglaan Diotrephes sivulliuqtaullaturuam ilijiŋiŋun suuramikunnii suliqutigilaitkai uqautitka. ¹⁰Tavra qaiguma satqummiŋiŋaŋiga suliqitilaana, uqallaruŋa uvapkun uqalugiitчуuanik saglutigivluŋalu. Suli kachuutigisunagŋagu taamna, tukkuliŋulainmiŋigai iglaaguruat aniqatit, suli pitchaiŋiraŋugich tamatkua tukkuliisukkaluaqtuat ilijiŋiŋik, anittaŋugillu aŋaayuyiviŋmiŋ.

¹¹Piuttaŋiraauruatiin, tuvraŋnagu iŋuk pigiitчуaguruuq, aglaan nakuurualiqilutin. Iŋuk nakuurualiqiruuq God-im pigigaa, iŋuk pigiitчуaliquiruuq

^a1 Ac 19.29; Ro 16.23; 1 Co 1.14. ^b3 2 Jn 4.

naluruq God-mik^c ¹²Iñupayaat uqautigilluataġaat Demetrius, aasii ilumun ittuamik uqautigigaat. Uvaṅaptauq uqaġilluataġiga, aasii ilisimagiksi uqaluga ilumun ittuq.

Paġlasuiqsaagutit

¹³Uqaluksraukkagaḷuaqtuṅa ilinṅnun aglaan uqautigisuṅitkitka ukunuuna tuyuutitigin,^d ¹⁴qanuq tautuṅnasuaġumaagikpiñ, aasii uqaġlunuk atautchimi. ¹⁵Tutqiutiqaġiñ. Iluqaġmiṅ avilaitqarvich paġlagaatin. Paġlakkich avilaitqativut iluqapayauranisa.

^c 11 1 Jn 2.29; 3.6,9-10. ^d 13-14 2 Jn 12.